

广东通志

广

东

通

志

廣東通志卷一百二十二

甲子重刊

關隘畧三

廉州府

廉爲嶺表遐郡山勢逶迤川流縈曲南拱冠頭北
擁五黃大廉鎮於東北巨浸湧於西南西轄欽州
瀕海而治諸山合抱結爲龍門鎖鑰襟喉欽江漁
洪二水夾流會龍門以入海中州之地至此而盡
西北之邑曰靈山居萬山之中羅陽東蟠石六西
聳洵爲扼要此廉郡形勢之大界也

郝志

東關在府東北明初置久廢嘉靖十五年重修改
曰備縣關又高仰鎮在府西南十里有巡司洪武

初設又珠場巡司在府東南六十里永平巡司在
府西北四百里皆洪武初置山口營在府東南百
四十里又新寮堡在府東五十里有新寮隘皆有
官兵戍守方輿紀要宋海門鎮太平興國八年建即今
廉州郡國利病書廉州衛在府治東明洪武二十八年
建

本朝順治十年裁大清一統志

合浦縣

合浦嶺表遐邑山勢起伏川清灣迴龍門跨其東
洲江遶其西而縣治中所據當平衍之地此一邑
之形勝也縣志

條風關在縣東北舊名東關明嘉靖間重修改名
新寮隘在縣東五十里路通廣西雲蘆六湖蕉
林等處明成化間建堡城今改爲新寮營 永安
所在縣東南一百七十里明洪武初建千戶所在
縣東北石康縣二十七年移此築城周四百六十
丈門四環以濠

本朝順治十年裁所仍畱守備防守

大清一統志

清

湖營合浦與廣西博白縣一江之隔楊苗營舊石
康縣南二十里城隍營上永平三十里右立營在
合浦北二百三十里萬安鄉東至石塘營五十里
去永平司三十里北塞營至靈山縣武利二十五

里按右立與北塞俱係堵禦博白興業賊路明崇

正九年兵巡張國經建北營在府北城外明嘉靖

三十三年知府何御設狼兵防守達達營在合浦

東北明僉事林錦建安插召來達達土兵清頭營

去永安城五十里陸湖營在合浦東北新興里陸

湖崗黃逕營去合浦七十里在黃逕村大洸港石

隆營在合浦縣歸德鄉通廣西龍山諸寨乃木頭

崗猺獐出沒之所爲縣境咽喉府志乾體營 白

龍寨俱詳海防鹿井砦在縣西南寰宇記太平軍西

南至鹿井與欽州烏土鎮接界九域志合浦縣有

鹿井三村二砦府志鹿井砦在合浦西南接欽州

界控象鼻沙大水口入海通交州水路三村砦亦在縣西南控寶灣至海口水路東南轉海至雷州遞角場縣志有三村鄉在縣西南十里廉江所經高仰巡司在縣西南十里明初置在縣北一百

二十里馬欄墟後移於此今因之永平巡司在

縣東北三百里永平村明初置後廢嘉靖十三年

復置今因之縣東北二百八十里曰歸德圖錯

雜粵西五州縣中四面重山峻嶺奸宄出沒爲民

害明成化間都御史韓雍剿大藤峽賊調永豐狼

獠土兵守要隘卽以逃亡拋荒民田分授狼獠且

耕且守此土兵所由來也大清一統志府北百五

十里有母雞山宏治十一年御史萬祥言廉州山

崗賊有母雞山木頭崗是也

方輿紀要

欽州

欽江經州城入海連分二支俱環抱一洲東曰鴻

飛南則鰲魚廣數頃爲州治關鎖

國朝周顥勳鰲魚洲文昌閣

記

長墩關在州西南三十里鳳凰江口 漁洪關在

州西二十里卽如洪鎮宋史地理志欽州安遠有

如洪砦卽此 天板關在州西六十餘里又有茶

陵關在州東靈山縣界 那蘇隘在州西南如昔

都明宣德中交趾置金勒千戶於此又稔均隘在

那蘇東南七里那隆隘在那蘇東十餘里外卽交

趾界

大清一統志

安遠縣知育一鎮

今欽州

九

知育一鎮知育乃如昔之誤

千金鎮胡氏曰在州西南唐長

慶三年黃崗蠻破欽州千金鎮刺史楊嶼奔石南

砦黃岡卽廣西新寧州之南源廢州又如洪鎮亦

在州西南宋至道元年交趾黎垣寇欽州如洪鎮

如洪或曰卽漁洪之譌也

方輿紀要

西零戍在州東

元和志在欽州縣南三里

防城營在州西南二

百里時羅都明初置後省萬厯三十四年海北道

伍袁萃復建城周三百餘丈爲州西門戶

清一統

志防城營在時羅鄉交趾界明正德元年夷目范

汝升越界與州民黃全濟等爭田構殺始立此營
那邏營在州西一百五十里那邏卑控制永樂
一都與廣西上思州毗連 羅浮營在防城外一
百一十里明嘉靖十九年安南歸四崗侵地議於
河洲社立大營撥兵二百名以指揮統之防守三
都四崗至二十八年爲夷寇范子儀所燬參將俞
大猷以河洲深入夷地改建於此 思勒營在防
城外九十里至羅浮營二十里明嘉靖十九年議
立河洲大營以營去州治太遠饋餉往來悉出夷
界又於附近交夷之江坪設思勒冲包二小營互
相策應每營撥軍五十名以千百戶一員統之後

參將俞大猷廢冲包一營思勒仍舊 上扶龍營

在貼浪都通十萬大山與廣西上思州接界又西
八十里抵西牙坂崗等村與澌凜交趾接界嘉靖
十年上思州夷目趙盤趙薄亂始立此營 白皮

營在州東南白皮村與合浦分界明正德八年交
夷人寇始立知州林希元因有事安南請立方家
營州西方家村乃海舟停泊處明正德十三年交
賊於此登岸剽掠知州李純建 煙通營在州南
煙通嶺之陽卽沿海巡檢司舊址可通龍門海口
因有事安南建 澁坑營州東南烏雷嶺之北明
嘉靖十六年交賊杜文莊泊舟烏雷嶺下以覘官

軍知州張岳立 陸眼營在永樂鄉陸眼村與廣西宣化縣華陽武藝吳崗水口四崗密邇狼狽不時越境行劫明嘉靖十五年知州林希元建十八年復申前議撥上扶龍營軍防守二十六年宣化縣太平等圖狼狽復行肆劫召狼兵守之 黃觀營在新立鄉撥狼兵防守以陸眼營百戶兼統之 那架營在菩提鄉撥狼兵防守以陸眼營百戶兼統之 八角營在州西鄉撥狼兵防守以百戶領之 那邏營在州西鄉撥狼兵防守以八角營百戶兼統之 團圍營在州西鄉撥狼兵防守以八角營百戶兼統之 總捕營在陸眼村新立等

鄉東跨雷州西南跨欽州北跨廣西宣化諸縣已

上黃觀等六營俱嘉靖二十六年知州黃希白因

廣西宣化等縣民徭作寇建立

府志謹案利病書所載欽廉營堡

墩墩名目甚多據云各目雖多兵數或至一二隊蓋以哨官加把總名號便于屯守至于營地因時改移今昔不同者隨寇盜出沒之處扼要而設耳又云廉州墩墩總二十一所曰安寧獨江卽草頭墩高德飲馬卽白虎墩龍潭武力球場係舊前所設曰冠頭白沙隴村川江則知府張岳爲安南建也內安寧獨江高德三墩北方有警只係村夫防守冠頭卽望子墩本衛撥軍十名兼村夫防守其餘各整平時則寨軍守之有警則鄉夫協守兵數旣無定額况一整而異名建設不常似不必一一列之

沿海巡司在州南十里明洪武五年置今

遷小董村在州北七十五里又管界巡司在州西北一百八十里永樂村古曰時休崗明洪武五年

置防廣西接界要害之處今廢 長整巡司在州

長整關明洪武十年置今遷舊關 如昔巡司在

州西九域志安遠縣有如昔鎮宋史地理志安遠

縣有如昔砦輿地紀勝如昔砦在州西一百六十

里距交趾永安州二十里據大山之巔勢甚險阻

舊置砦管轄如昔等七崗通志州西有如昔了葛

貼浪澌凜古森時羅七崗宋時皆設立崗長明洪

武初設巡司於如昔以統之其地北連東西兩江

南接交趾永樂十四年又於西境增置佛淘巡司

宣德二年交趾黎利作亂澌凜時羅古森了葛等

崗叛附黎氏嘉靖十八年交趾納款歸四崗侵地

二十一年知州林希元畫定疆界然僅存貼浪時
羅二崗而已州志如昔司舊在州西南一百七十

里那蘇村今遷西江北恩村

大清一統志

貼浪嶺

在貼浪都思牙村相近爲漸凜崗在漸凜村又曰

爲古森嶺其時羅嶺在時羅都如昔砦在如昔都

思勒村相近者爲博是崗在葛村鑑山嶺在羅浮

村所謂六崗是也

方輿紀要

烏雷嶺東南一百六十

里海邊突起一嶺伏波廟在焉聞鄉人每歲望祭

廉府水路經過其前康熙二十三年龍門協設汛

撥把總戰船防守康熙五十六年於嶺前香爐壑

造礮臺營房周圍築城

分茅嶺城西南三百六

十里古森崗與交趾分界山頂茅草南北異向至
今猶然昔傳馬援平交趾於嶺下立銅柱以表漢
界宣德間陷入交趾新安州 十萬山西二百里
層巒疊嶂起伏蜿蜒甲子諸山南爲貼浪都西爲
廣西上思州延袤四百餘里

國朝康熙二十三年設龍門協撥千總一員駐防

招遠山西南一百六十里舊名灘令山明正統五
年於其上建旗招諭四崗叛民黃金廣等易今名
勒有碑今沒 龍門江南八十里兩山對峙如門
故曰龍門羣山錯列中有七十二徑欽江埭淪東
西三江合流於此入海東達合浦西入交趾乃欽

之咽喉

國朝初鄧耀揚彥迪相繼竊據剿平康熙二十三年

添設龍門協副總兵府鎮守於此

州志

靈山縣

靈山居萬山之中接宣化永淳橫州貴縣興業博

白等州縣密菁深林防禦孔亟

縣志

靈山據廉之上游外控橫邕天順成化間蠻寇肆
行橫邕逾嶺攻掠廉所屬無一完城而靈邑尤其
衝於是天子采廷議下璽書命憲臣分巡海北開
署治兵以制之俾瀕海數百里得免於兵革者七

十餘年矣

明張岳重修
靈山縣城記